

KENRO Jewelers

Sidewalk Sale

50% OFF Ladies & Men's Sterling Silver Jewelry, Stainless Steel Jewelry & much more!

Date : Saturday, July 29, 2013

Time: 10:00am - 5:00pm Located at: Sta. Cruz 115-B

Prome Minister Eman: Proyectonan ta cla pa cuminsa




Aruba ta haya cinco Facilidad Multifuncional moderno y sostenibel

ORANJESTAD(AAN): Proyectonan ta yega den e fase destaho publico den menos di un luna di tempo. E diseñonan di e Facilidatnan Multifuncional pa Paradera, Noord y Savaneta ta cla. MFA of Facilidatnan Multifuncional ta e siguiente paso den loke awor aki ta conoci como un Hulpbestuurskantoor. E ultimonan aki ta ofrece varios servicio di gobierno manera paga impuesto, awa, coriente y otro utilidatnan y recientemente a cuminsa tambe cu algun servicio di Censo. E Facilidatnan Multifuncional, banda di ofrece tur e servicicionan cu Hulpbestuurskantoor ta conoci p'e, ta bay ofrece tambe servicicionan di entre otro di AZV, SVb y tambe lo tin lokaalnan pa biblioteca, duna les di musica, baile y tambe luga pa duna shownan cultural entre otro.

Den un conferencia di prensa diamars merdia, Prome Minister Mike Eman a cuminsa pa duna un bon descripcion di e meta tras di Facilidatnan Multifuncional. Durante di e conferencia di prensa Prome Minister a worde compaña pa coordinador di e proyecto MFA Omar Harms, arkitektonan di e tres diseñonan – Ivar Thijsen, Orlando Hoevertsz y Jouel Croes, como tambe di señora Anki Vrolijk kende ta encarga cu direccion di e diferente MFA-nan.

E motibo principal di e conferencia ta pasobra a yega na un otro momento importante den realisacion di e Facilidatnan Multifuncional, cual te cu awor ta worde referi como Hulpbestuurskantoor of Oficinanan

Auxiliar di Gobierno. A cambia e concepto na e tempo moderno pero tambe pa cumpli cu e demanda y necesidad cu tin den cada distrito. P'esey a tuma algun tempo prome cu e proyecto a yega e fase di destaho, pasobra a consulta extensivamente cu habitantenan riba loke nan ta desea cu un MFA den nan distrito. E cambio for di Oficina Auxiliar pa Edificionan MFA tabata necesario mirando cu miles di persona ta haci uzo di e servicicionan cu ta worde brinda eyden y kier pa esakinan worde amplia. Pa crea algo moderno, Gabinete Mike Eman a pone e reto den man den arkitektonan hoben y dinamico, kendenan tin cierto lasonan tambe cu e distrito. "Mi ta orguyoso di bisa cu tur e arkitektonan cu nos a haci uzo di nan ta Arubiano," Prome Minister Eman a bisa e atardi aki. E plannan di Gabinete Mike Eman y e deseo di e habitantenan, a trece cu n'e cu no semper por a amplia e edificionan existente, pa cual a trece un balansa ampliando dos di e edificionan existente di Gobierno y construyendo tres nobo y tur ta worde realiza como proyecto SOGA. Esaki tambe tabata importante ya cu poco-poco Gobierno ta logra baha e cantidad di edificionan cu ta huur for di mannan priva. E tres prome MFA-nan cu ta bay destaho publico ta: Paradera, Noord y Savaneta. Ta papia di edificionan cu tin entre 800 y 1100 meter cuadra na espacio. E MFA-nan ta bay ta edificionan eficiente cu energia y ta bay haci uzo di panelnan solar pa genera un parti importante di e energia nec-



esario pa nan operacion diario. Gobierno ta organizando maintanan di informacion pa tur contratista cu ta interesa pa entrega oferta pa construccion di un di e edificionan aki. E prome mainta di informacion ta diabierna awor, 28 di juni, di 10.30

di mainta pa 12'or di merdia na dr. Edward Cheung Center for Innovation cu ta situa riba Sasakiweg. E mainta di informacion aki ta importante, ya cu e arkitecto envolvi den e edificio MFA di Noord, Orlando Hoevertsz, ta bay ta presenta pa duna

informacion detaya di e diseño. Contratistanan ta haya chens pa haci delaster pregunta cu nan por tin. E otro dos maintanan di informacion ta bay ta riba 1 (di MFA Paradera) y 4 di Juli (MFA Savaneta), na e mesun ora y lugar.

Join the CLUB....

Summer Course

July 15 - August 9, 2013

For 4 weeks at Monday - Wednesday - Friday

Ballet - Latin - Tap from 4 till 7 years

Ballet - Character/Folklore - Jazz from 8 till 12 years

Ballet - Acrobatics - Contemporary/Modern from 13 years and up

Call or mail us for more information!

Bubali 76-B, Phone: 5873413, E-mail: clubdimovimiento@setarnet.aw



CDM
CLUB DE MOVIMIENTO
since 1997